

北京圖書館 編

北京圖書館藏珍本
年譜叢刊

第 190 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 190 冊



第一九〇冊目錄

抑齋自述七種之五・工商實歷……………	一
抑齋自述七種之六・藥餌餘生……………	一九一
抑齋自述七種之七・病中歲月甲編……………	三七五
抑齋自述七種之七・病中歲月乙編……………	六二一

王筱汀先生遺像



工商實歷小引

始由鈞臺臨入商行猶冒為人師至推舉北京自來水
公司協理天津啓新公司協理始正商名然步之趨之非
自主者也至華新紗廠成予之責遂重津廠冒陰竄
去衛廠出力最多唐廠則本職之精神智慧為之耗
竭究之坐而言者仍不能起而行視此數年行事足
徵吾之浪漫派之傷耶抑齋氏識

工商實歷

抑齋自述之五

中華民國七年戊午五十三歲

元旦公司放假李嗣香嚴範孫趙幼梅邀飲明湖春仍陪周玉老

四日預祝周玉老

五日舊曆丁巳十一月二十三日祝周玉老壽

十三日回京自來水公司聞張馨菴出獄往晤並與王肖庭歡談十四日送筵一席於張宅邀同肖庭及袁伯達高養祉袁承軒高彩臣張綱菴陪馨菴飲是役也肖庭援救舊友意氣如雲至此所願已償益佩仰肖庭不已

二十日回津宅二十一日到啟新公司辦事

二十三日數兒自河南來津

二十五日偕周緝之李希明訪趙幼梅約同幼梅參觀津人士所立之博物院遇馬學庭張彬埜周采臣拉之同飲於市邀卜者劉某來談卜

二月六日回京自來水公司

八日送筵一席於王肖庭宅預祝張馨菴並邀王月波高彩臣史劼甫林薺原及肖庭作陪

九日舊曆十二月二十八日馨菴生日王肖庭高彩臣備席邀陪

十日回津宅舊曆除夕

十一日戊午元旦設供遙拜 祖先受兒孫拜年仿西人例市彩物抽彩歡聲雷動後以數兒婦得墨水兩瓶不吉祥遂廢此例

三月二日偕陳一甫燕客於大來飯店酬諸友春酒之燕
五日張馨菴來津為送筵席洗塵自此馨菴始脫離獄囚生活
六日王肖庭來津

八日天津造胰公司開董事會

十七日邀周玉老父子祖孫七人燕於明湖春並觀劇

二十日賈汪煤礦公司開股東會袁述之主辦

二十一日回京自來水公司

二十四日開自來水公司董事會

二十六日回津宅二十七日到啟新公司辦事

四月十四日天津造胰公司開股東會

十七日回京自來水公司

二十一日開自來水公司股東會辭協理職股東苦留不放然營業不發達所發股利一釐二釐愧對股東又身兼兩職不能常在一處終非長策也

二十二日偕陳一甫言仲遠周實之遊湯山溫泉出城至西直門乘京綏路車至沙河下車乘汽車至湯山飯店浴於溫泉三

鐘餘仍乘汽車至沙河趁京綏車回京

二十四日偕言仲遠遊頤和園仲遠舊部羅營長招待甚周並設燕相款

二十五日回津宅二十六日到啟新公司辦事

二十八日天津造胰公司開董事會

五月一日啟新公司開股東會報告營業獲利情形與上屆略同

二日回京自來水公司發見經理私自開除同人及添派私人任意進退員司各事質問之遂辭職此為周緝之所委任余不之顧緝之亦不以為忤也因商定改約董事陳靜涵兼代經理

並將各局所司事重行委派特約舊友李燮堂任稽核以清權限

九日回津宅十日到啟新公司辦事訪周緝之報告自來水公司一切改派情形

十三日齡弟來津

十四日荃兒受聘於周氏實之之長子名明齋緝之之猶子也冰人馬學庭言仲遠趙幼梅陳一甫押送聘禮來設燕款待

十九日周玉老來訪致仰慕之意行跪拜禮余悚然辭謝此老古道照人行古之道

二十日回京自來水公司同言仲遠謁農商總長田煥庭為華

新公司事託其主張公道

二十一日偕仲遠謁內閣總理段芝泉瀝陳華新公司情形蓋華新公司之成立當項城提倡實業之始撥公款派督辦惟恐此局之不成比政局驟變有謀攫此席者於是周實之之督辦以部令易之另派員來接同人不無惶恐連日在津開議擬以商股已集請裁督辦舉周緝之主政同人各勉力湊辦股款支撐局面適徐菊人在津由緝之請求扶助菊人慨然允之力勸當局以同是北洋中人不可自相傾軋並議定由余與仲遠往謁段內閣面陳一切比晤段後段亦胸無成見且亦知緝之能力足任此局第恐緝之不肯任耳余因言股已招足緝之已允

擔任之意且機器到廠廠屋行將畢工仰賴政府維持段首肯者再立飭部中照辦反對黨遂大絀

齡弟回里過津

二十三日回津宅訪周緝之報告與政府接洽情形

二十四日到啟新公司辦事

三十日假啟新公司議華新公司催集股款

三十一日邀陶蘭泉袁靜菴飲即政府所派接收華新紗廠者

六月一日假啟新公司再開華新公司會議二日再會議

六日陶蘭泉袁靜菴答燕

七日假啟新公司開華新公司會議

九日回京自來水公司

十日早九鐘由京漢路回里十二鐘至衛輝齡弟敷兒迓於車站仍住鹽店街舊宅敷兒亦來

十一日拈香 高曾祖考家祠適余生日子弟行禮並有鄉鄰戚友來訪 詣 高曾祖考墓展謁晚回城內新宅即余去年所看之舊典肆也以中原公司股票一萬餘元又益以現款三千元購得之於是經正書舍及中小學校同善堂等不惟原本歸還並利息亦全付惟房屋破舊已甚祇有五間屋可住耳
十二日齡弟備酒迎叔父舅父家庭共燕

十三日舊友多來談叙午車赴彰德車上遇王肖庭同行至彰

德借厲李襄臣之釐局 訪袁雲臺

十四日祭袁大總統洹林二週忌日也趙周人督軍亦來邀飲
十五日四鐘起上京漢車回京仍與肖庭同行至京留肖庭同
住自來水公司

十六日回津宅 華新公司開創辦人會議

十七日到啟新公司辦事

二十日華新公司開股東會正式舉周緝之為董事部主任楊
味雲副之余亦被舉董事華新規模漸定惟股款苦不足額余
除撥恆豐公司餘存之二十萬元外並冒險擔任四十萬元緝
之盡其所有得二十餘萬元實之二十萬元余罄囊祇得三萬